



INICIO DO PROCESO DE SELECCIÓN DE ADQUIRENTES EN SEGUNDAS OU POSTERIORES TRANSMISIÓNS DE VIVENDAS DE PROMOCIÓN PÚBLICA (VPP) NO CONCELLO DE O PORRIÑO

Á vista da solicitude presentada a instancia do propietario e, tendo en conta o establecido nos artigos 8 do Decreto 253/2007, do 13 de decembro, de réxime xurídico do solo e das edificacións promovidas polo Instituto Galego da Vivenda e Solo e no artigo 31 do Decreto 1/2010, do 8 de xaneiro, polo que se regula o Rexistro Único de Demandantes de Vivenda da Comunidade de Galicia e a adxudicación das vivendas protexidas, esta xefatura de área traslada para a súa publicación na páxina web do IGVS o seguinte COMUNICADO

PRIMEIRO - Iníciase o proceso de selección das persoas adquirentes da VPP en segundas ou posteriores transmisións para a vivenda que se relaciona a continuación:

Concello de O Porriño:

Número de vivendas: 1

Vivenda situada na rúa: POLÍGONO DE TORNEIROS, BL. IV- BAIXO D
Expediente: PO93/501-CONTA 88
Superficie: 65 m2
Número de dormitorios: 2
Garaxe: num.4
Rocho: núm. 19
Prezo (incluídos garaxe e rocho vinculados de habelos): 47.422,38 euros

SEGUNDO – Ofértase a citada vivenda a través da páxina web do Instituto Galego da Vivenda e Solo ás persoas interesadas na súa adquisición, que estean inscritas no Rexistro Único de Demandantes de Vivenda da Comunidade Autónoma de Galicia á data de publicación deste comunicado na páxina web do IGVS: <https://igvs.xunta.gal/areas/vivenda/vivendas-de-promocion-publica-vpp>.

As persoas interesadas deberán manifestar o seu interese na adquisición da vivenda citada no prazo de 15 días dende a data de alta na páxina web, preferentemente mediante a sede electrónica ou ben mediante escrito dirixido á Área Provincial do IGVS en Pontevedra, á seguinte dirección: R/ Alcalde Hevia, 7 - 36071 Pontevedra





Poderase utilizar o modelo anexo publicado na web.

No dito escrito farán constar os seus datos persoais e o número de credencial asignado á unidade familiar no citado rexistro.

TERCEIRO - Requisitos dos adquirentes:

Poderán acceder a esta VPP as persoas, nacionais ou estranxeiras, maiores de idade ou menores emancipados que reúnan os seguintes requisitos:

1. Atoparse inscrito no Rexistro Único de Demandantes de Vivenda da Comunidade Autónoma de Galicia para o concello no que se sitúan a vivenda á data de publicación deste comunicado na páxina web do IGVS

2. Ter ingresos ponderados por unidade familiar maiores o iguais a 0,7 veces o IPREM e menores ou iguais a 3 veces o IPREM.

3. Carecer de vivenda en calidade de propietario/a, agás que se dean algunha das seguintes circunstancias:

a) Excepcionalmente, poderán acceder a unha vivenda protexida as persoas que sexan propietarias doutra vivenda cando estea suxeita a expediente de expropiación forzosa, as persoas separadas ou divorciadas que se atopen ao corrente no pagamento das pensións alimenticias e compensatorias e que fosen privadas do uso da vivenda por sentenza ou convenio regulador e as que ocupen aloxamentos provisionais como consecuencia de actuacións de emerxencia ou remodelacións urbanas que impliquen a perda da súa vivenda ou calquera outra situación excepcional declarada polo organismo competente en materia de vivenda (art. 64.1 da Lei 8/2012, do 29 de xuño, de vivenda de Galicia).

b) Acreditar que a vivenda da que se dispón sexa inhabitable, insuficiente ou inadecuada nos termos especificados na Resolución do 14 de setembro do 2012 do Instituto Galego da Vivenda e Solo. Neste suposto quedarán obrigados a ofertar ao IGVS a dita vivenda a efectos do disposto no artigo 10.I.3b do Decreto 253/2007.

De conformidade co artigo 10.II do Decreto 253/2007 non poderán acceder a VPP os que se atopen nalgunha destas circunstancias:

a) Que xa foran titulares de VPP e a perdesen como consecuencia dun procedemento de desafuzamento, resolución de contrato tramitado polo IGVS ou a alleasen por calquera causa, coa excepción de cambio de residencia por motivos laborais, ou outros xustificados, a xuízo da Comisión Provincial.





b) Que sexan titulares de bens inmobles de natureza rústica ou urbana suxeitos ao imposto sobre bens inmobles que teñan un valor catastral superior a 30.000 euros.

CUARTO - Réxime de adquisición das vivendas:

As vivendas adquiriranse en propiedade, en virtude do contrato de compravenda que se formalice co anterior propietario.

O modelo de contrato será facilitado polo IGVS e unha vez asinado deberá presentarse ante este organismo para o seu visado.

QUINTO - Procedemento de selección:

De acordo co disposto no artigo 8 do Decreto 253/2007 e no artigo 31 do Decreto 1/2010 o proceso de selección de adquirentes será o de sorteo entre as persoas que reúnan os requisitos sinalados no apartado terceiro e que manifesten expresamente o seu interese na adquisición da vivenda.

O dito sorteo celebrarase ante notario. O resultado do sorteo notificarase ao primeiro interesado resultante do sorteo e ao vendedor. Na notificación faranse constar os datos do adquirente e do vendedor, así como o prezo de venda da vivenda e anexos.

No caso de que se presente unha soa solicitude de adquisición no prazo indicado, será designado directamente como adquirente o demandante que tivese presentado a dita solicitude, previa comprobación do cumprimento dos requisitos previstos no apartado terceiro.

No suposto de que non se tivese presentado ningunha solicitude para participar no procedemento de selección de adquirentes, continuarase coa publicación da oferta de venda na páxina web do IGVS para xeral coñecemento, podendo ser autorizada a súa transmisión directa a favor do/a interesado/a que figurando inscrito no Rexistro Único como demandante de vivenda de promoción pública cumpra os requisitos especificados no apartado terceiro.

A persoa designada como adquirente no sorteo concederáselle un prazo de **10 días** para comunicar a súa aceptación. De non aceptar ou de non presentar a dita comunicación en prazo entenderase que non está interesado/a na adquisición e procederase a designar como adquirente ao seguinte persoa da lista de espera que de ser o caso se tivese confeccionado.

A xefa da área provincial do IGVS.

